



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

Decretum. XL.

**urn:nbn:de:hbz:466:1-11399**

e Actis obi  
eum ad que  
Peruigant.

nus admodum ac plane repugnans vsus; ut si forte cuiusvis Ecclesie rector mensis Augusto aut post eodem anno moritur, is qui in eius locum vacanti Ecclesie praeficitur (etiam si qui obiit, ut paucos dies Ecclesie operam suam nauauerit) ne ullam quidem partem habeat censuum, fructuum, aut emolumentorum, quae eo item anno ex illius Ecclesie praedijs percipiuntur.

Quae res iure non introducta, Ecclesijs cum maxime perniciofa sit, ijs praefertim in quibus animarum cura exercetur (quoniam non facile quispiam sacerdos illius Ecclesie curationem suscipit, unde ne victum quidem vsq; ad sequentis anni initium sperare possit) nos propterea sacrorum canonum auctoritatem secuti illud edicimus, ut si post Cal. Augusti Ecclesie rector decesserit, is qui illius Ecclesie fructus ad se pertinere asserit, aere alieno si quod ecclesia habet persoluto, & detractis fructibus, qui ipsius Ecclesie Rectori & ministris ad victum atq; ad reliqua onera praestanda necessariaerunt, quoad alij sequenti anno percipientur, qui ex ijs reliqui fructus erunt, eos solum sibi retineat.

Decretum. XL.

De librorum  
impressione  
ac venditione.

CVM saepe alias Summorum Pontificum, Gelasij in primis, Nicolai item, & Innocentij Quarti constitutionibus factum sit, ut libri falsi, adulterini, & prauis, veteratoria quadam malorum hominum arte excogitati & conscripti in vulgus ne darentur; huic etiam rei quae maxime perniciofa est, sancte quidem Lateranensi Concilio Leo X. consuluit grauissima edita constitutione, quae est de librorum impressione: quam constitutionem, utpote quae his temporibus in omnem partem valde admodum utilis ac necessaria est, tum Concilio Tridentino, tum Indice librorum Sedis Apostolicae auctoritate edito iustum est vel diligentissime obseruari.

Nos igitur eam ipsam constitutionem, & quod ipsius Concilij Tridentini auctoritate, Indicisq; regula sancitum est, nostro ordinario munere, & Sedis Apostolicae auctoritate exequi cupientes; praesertim cum vsu compertum sit, librariorum plerosq; lucra solum auidos & ap-

petetes libros quosdam imprimere, aut impressioni tradere, ac venales publice habere, quorum lectione homines, in maximos & fidei, & morum, & vitae errores incidunt: has ipsis librarijs, seu librorum impressoribus, ijs item qui librum aliquem, scriptumve cuiusvis generis aliud imprimendum curant, regulas praefcribimus, ex eo Lateranensi & Tridentino Concilio, & Indice librorum desumptas; quas a omnibus & singulis ipsis seruari volumus, propositis his poenis, quae ipsdem Concilij, & ipso Indice constituta extrema huius decreti parte expressa continentur.

Ne libarius quispiam, seu librorum impressor, aliusve qui libros vel alia cuiusvis generis scripta imprimenda curat, eos eave typis mandet aut imprimat; nisi liber aut scriptum quod impressioni tradendum est, primo cognitum sit & comprobatum, eidemq; subscriptum a nobis, & ab Inquisitore, aut ab eo cui id cura datum erit.

Cuius libri scriptive cognitio & comprobatio, cum diligenter fiet, tum etiam gratis.

Exemplar autem subscriptionem etiam habeat, quae ipsius auctoris manu ac nomine notata sit.

Libri scriptive quod impressum in luce dabitur, comprobatio imprimatur vel in initio vel in fine libri.

Libro scriptive impresso nomen & cognomen imprimentis appositum sit.

Cum primum autem libri scriptive impressio confecta erit; eius nobis exemplar, aut Inquisitori tradatur, aut ei qui nostra auctoritate eidem subscripserit.

Contra si quis fecerit, excommunicationis poenam subeat; libris praeterea impressis mulctabitur, qui publice comburentur; per annum item ab imprimendi munere amotus erit, tum centum aureos nummos soluet: quam multa locis pijs & religiosis attribuemus.

Bibliopolis autem in libris tum emendis tum vendendis ea omnia edicimus, quae & ipso toto Indice Sedis Apostolicae auctoritate edito, & regulis ipsis sancta & praescripta eis sunt; quae item provinciali nostra Constitutione de hac ipsa re constitimus.

Frou. r. p. 1.  
de profess.  
fid. & c. p. 2.  
s. episcopi.

Quz



Quæ omnia communi sermone regulis quibusdam expressa, cum & nostra & Inquisitoris auctoritate aliis sibi tradita sint; illa ipsa ab eis diligenter seruari mandamus, propositis pœnis ac multis quæ ipsa eiusdem Indicis regula constata sunt, & alijs præterea pro culpæ grauitate nostro & Inquisitoris arbitratu irrogandis.

Et quoniam hominum animis perniciè & interitum afferunt libri à pestiferis & hæreticis hominibus conscripti; non qui pro ea pastoralis curâ quâ gerimus, animarum saluti consulere nihilq; sanè prætermittere debemus, quod ad eam rem pertineat, Indicem ipsum vnâ cum his decretis in lucem dari volumus; vt nostri & vrbani & diœcesani animarum curatores vnâ apud se habeant, studioseque legant, nam cum auctorum, quorû libri anathematis pœna prohibiti sunt, nomina & cognomina alphabeti literis descripta ipso Indice notentur: tum regula traduntur quas nosse ij debent, quibus animarum cura commissa est; vt qui sibi in curam traditi sunt, eos cum opus erit, ipsi moneant, tum de libris cauendis, tum de regulis seruandis.

Quo in officij genere illud ipsi omnibus edicimus, vt si qui in suæ parochiæ finibus sunt, vel heredes, vel vltimarum voluntatum executores, qui libros habeant à defuncto relictos; illud eos moneant, quod decima regula grauissimè sancitum est, vt ne ijs ipsi vtantur, aut in alios quauis ratione eos transferant, priusquam vel ipsos, aut eorum indicem, illi cui id negotij nostra & Inquisitoris auctoritate datum erit, attulerint, ab eoq; ipsos eius rei facultatem obtinuerint; id quæ nisi manifestò perspicuû sit, libros eius generis esse, vt illi ipsi omnibus permitti sint.

Hoc in genere ijdem eò diligentiores erunt, quò maximè nos id cupimus atq; optamus; vt vrbis & diœcesis nostra omnino libera sit ab ea nefariorum librorum peste, quæ fidelium animis perniciofa & exitiosa est.

Decretum. XLI.

ILLVD sacris Canonibus constitutum est, vt à singulis Parochis diœcesana Synodo cathedralici nomine solidi

duo exigantur; id quæ argumento honoris, qui cathedrali Ecclesiæ tâquam matri à cæteris parochialibus Ecclesijs tribui debet. nos tamen hanc pecuniæ summam, quæ superioribus temporibus huic Metropolitanæ Ecclesiæ eo nomine debita est, nec persoluta tamen, eam omnem etsi iure nostro exigere poteramus; quoniam quod eo nomine solui debet præscribi non potest, remittimus ac condonamus ijs ipsis Parochis, qui hoc ipsum cathedralicum prestare debebât. Sed vt in omni re Metropolitanæ nostræ Ecclesiæ dignitatem & ius retineamus, & quantum in nobis est, conseruemus; illud vniuersos & singulos Parochos monemus, vt reliquis quæ Deo dante in posterum quorannis habebuntur Synodis diœcesanis, hos ipsos duos solidos, quos honoris ergo se Metropolitanæ Ecclesiæ iure debere iam sciunt, omnino persoluant.

Decretum. XLII.

NE quis clericus sacris ordinibus initiatus, qui ve beneficium ecclesiasticum obtinet, præstandis ijs quæ decretis his Synodalibus sancita sunt à nobis; vlla vel excusatione, vel exceptione, vti possit, præsertim quòd ea ipsa ignorarit; nos propterea eorum vnicuique edicimus atque id iubemus, vt mensè postquam decreta hæc typis impressa in vulgus data erunt, ea quisque apud se habeat, & studiosè legat.

Quibus decretis ita promulgatis, quidquid fieri præstare iussum aut vetitum est, nisi facultate à nobis scripto impetrata; his ipsis obtemperatum esse declaramus, si id Vicario nostro generali præstetur, aut eius concessu agatur.

FINIS SYNOD. DIOEC. II.

Indicem Librorum prohibitorû, qui in veteri editione ex superioris Synodi decreto hoc loco impressus fuerat, quoniam ille iam denuo immutatus est, ne opus hoc plus iusto exeresceret, omnitem dum censuimus.

Libellus item Canonum penitentiarum & casuum reseruatorum ex superioris quoque synodi decreto hoc loco in altera editione impressus, commodiore loco infra postus est.

B 2 S Y-

na à parochis soluedum.

Hanc synodum omnes ecclesiastici apud se habeant.

Cathedrali  
cù in syno-  
do diœcesana